

續  
文  
獻  
通  
考

續文獻通考卷之一百八十九

皇明進士雲間王圻纂輯

帝系考 帝號歷年 宋遼

宋

恭帝即 昞度宗次子金皇后生初封嘉國公度宗崩衆以建國公昞長當立賈似道主嫡乃立昞時方四歲謝太后臨朝次年伯顏入臨安群臣奉帝出降封瀛國公端宗即位遥尊爲孝恭懿聖皇帝 改元一德祐二年端宗名昞度宗妃楊淑妃所生德祐初封吉王進封益王帝昞降元陳宜中以海船載昞走福州及三宮北去益王即皇帝位元軍入福州帝遂航海崩於化州之碙州

瑋厓山在位三年壽十一歲帝昺即位上廟號曰端宗  
改元一景炎三年

帝昺度宗第三子俞修容所生初封信王進封廣王帝昺  
降元陳宜中以海船載昺及昞走福州景炎中進封衛  
王端宗崩張世傑陸秀夫等共立爲帝居新會之厓山  
改元祥興次年二月張世傑與蒙古張弘範戰于厓山  
兵潰陸秀夫負帝赴海崩在位二年壽九歲 是年宋  
亡

宋都九主一百六十八年南渡九主一百五十二年前  
後共十八主凡三百二十年

遼

太祖大聖大明神烈天皇帝姓耶律氏諱億字阿保機小  
字啜里只契丹迭刺部霞瀨蓋石烈鄉耶律彌里人德  
祖皇帝長子母曰宣簡皇后蕭氏唐咸通十三年生天  
復元年熙德堇可汗立以爲本部夷離堇專征伐連破  
敵有功三年拜于越總知軍國事五年痕德堇可汗徂  
群臣奉迎命立爲主九年而建元稱帝北宰相蕭轄剌  
南宰相耶律歐里思率群臣上尊號曰天皇帝神冊元  
年又上尊號曰大聖大明天皇帝在位二十年稱帝十  
一年崩壽五十五 改元三神冊六年天贊四年天顯  
一年

太宗孝武惠文皇帝諱德光字德謹小字堯骨太祖第二  
續文獻通考卷之二百八十九

子母曰淳欽皇后蕭氏唐天復二年生以天顯二年十一月卽位會同元年十一月晉使劉煦盧重冊上尊號曰睿文神武法天啓運明德彰信至道唐敬昭孝嗣聖皇帝在位二十一年崩壽四十六 改元二會同九年大同一年

世宗孝和莊憲皇帝諱阮小字元欲讓國皇帝長子母柔貞皇后蕭氏以大同元年四月卽位九月群臣上尊號曰天授皇帝在位五年爲察割所弑壽三十四 改元一天祥五年

穆宗孝安敬止皇帝諱璟小字述律太宗皇帝長子母靖安皇后蕭氏以天祥五年九月卽位群臣上尊號曰天

順皇帝在位十九年爲近侍小哥盃人花哥庖人辛古等六人所弑壽三十九 改元一應曆十九年

景宗孝成康靖皇帝諱賢字賢寧小字明展世宗第二子母懷節皇后蕭氏以應曆十九年三月卽位群臣上尊號曰天贊皇帝在位十三年崩壽三十五 改元二保寧十年乾亨四年

聖宗文武大孝宣皇帝諱隆緒小字文殊奴景宗長子母唐智皇后蕭氏以乾亨四年九月卽位群臣上尊號曰昭聖皇帝統和元年五月上尊號曰天輔皇帝二十四年十月上尊號曰至德廣孝昭聖天輔皇帝開泰元年十月加上尊號曰弘文宣武尊道至德崇仁廣孝聰睿

昭聖神贊天輔皇帝太平元年十一月加上尊號曰睿  
文英武遵道至德崇仁廣孝治定功成昭聖神贊天輔  
皇帝在位四十九年崩壽六十一 改元三統和二十  
九年開泰九年太平十一年

興宗仁聖孝章皇帝諱宗真字夷不堇小字只骨聖宗長  
子母欽哀皇后蕭氏以太平十一年六月卽位十月群  
臣上尊號曰文武仁聖昭孝皇帝十年十一月加上尊  
號曰聰文聖武英畧神功睿哲仁孝皇帝二十年十一  
月加上尊號曰欽天奉道祐世興曆武定文成聖神仁  
孝皇帝在位二十四年崩壽四十 改元二景福一年  
重熙二十四年

道宗孝文皇帝諱洪基字溫鄰小字查剌興宗長子母仁  
愛皇后蕭氏以重熙二十四年八月卽位二年十一月  
群臣上尊號曰天祐皇帝咸雍元年加上尊號曰聖文  
神武全功大畧廣智聰仁睿孝天祐皇帝在位四十七  
年崩壽七十 改元五清寧十年咸雍十年太康十年  
大安十年壽隆七年

天祚帝諱延禧字延寧小字阿果道宗孫父順聖皇帝母  
貞順皇后蕭氏壽隆七年正月卽位群臣上尊號曰天  
祚皇帝三年十一月加上尊號曰惠文智武聖孝天祚  
皇帝二十四年爲金人完顏婁室等所獲降封帝爲海  
濱王以疾終年五十有四 改元三乾統十年天慶十



年保大五年

右遼主九人起神冊元年丙子終保大五年甲辰共二百九年追帝者二人

讓國文獻皇帝名倍小字圖欲太祖長子母曰淳欽皇后述律氏神冊元年立爲皇太子聰敏好學通陰陽醫藥針灸之術天顯元年詔居東丹國爲人皇太祖崩率其國屬言于皇后曰大元帥勲蓋中外宜承正統后從之太宗即位倍居東丹建元甘露稱制行事置左右大相及百官一用漢法太宗升東丹爲南京唐明宗遣人招倍遂浮海適唐明宗賜姓東丹名慕華又改姓李名贊華從珂將自焚遣壯士害之薨年三十八歸櫬葬醫巫

問山太宗謚曰文武元皇王世宗謚讓國皇帝統和中  
更謚文獻皇帝重熙二十年增謚文獻聖義皇帝

大孝順聖皇帝名濬道宗子母曰宣懿皇后蕭氏六歲封  
梁三八歲冊爲皇太子耶律乙辛誣害皇后復誣奏蕭  
速撒等八人謀立皇太子上令乙辛鞠治杖皇太子囚  
之宮中又廢爲庶人囚之上京乙辛竟遣私人盜殺之  
其子天祚帝即位追尊大孝順聖皇帝

太上皇遼無 皇太后 太皇太后

太祖元年正月卽帝位尊祖母曰太皇太后母曰皇太后  
太宗天顯元年十二月尊皇太后爲太皇太后皇后爲  
應天皇后三年八月詔建應天皇太后謚聖碑于坤

寧州九月有司請以皇太后生日爲永寧節十月以永寧節率群臣上壽于延和宮五年正月朝皇太后二月上與人皇王朝皇太后皇太后以皆工書命書于前以觀之七年三月上率群臣朝于皇太后八年十二月太皇太后崩遣使告哀于唐及人皇王九年二月葬太皇太后于德陵十年四月皇太后父族及母前夫之族二帳並爲國舅以蕭緬思爲尚父領之十二年正月討李從珂皇太后遣侍衛賈魯趣行戊寅朝于皇太皇進珍玩爲壽十月皇太后永寧節普及回鶻燉煌諸國皆遣使來賀 會同元年四月還宮朝于皇太后十一月皇太后御開皇殿晉馮道韋勳冊上尊號曰廣德至仁昭

烈宗簡應天皇太后三年七月朝于皇太后丙子從皇  
太后視人皇王妃疾五年正月以諸道貢物進皇太后  
六月丁丑聞皇太后不豫馳入侍湯藥必親嘗仍告太  
祖廟幸菩薩堂飯僧五萬人七月乃愈 大同元年太  
宗崩于藥城世宗即位于柩前遣天德朔古解里等護  
梓宮先赴上京太后聞世宗即位遣太弟李胡率兵拒  
之相持數日用屋質之謀各罷兵既而聞太后李胡復  
有異志遷于祖州是年八月尊母蕭氏爲皇太后以太  
后族刺只撒古魯爲國舅帳立詳穩以總焉世宗被弒時太后同

被難

穆宗應曆三年六年應天皇太后崩謚貞烈葬祖陵

聖宗即位時年十三皇后奉遺詔攝政尊爲皇太后 統  
和元年正月皇太后幸荆王道隱邸視疾四月大臣以  
太后與政宜有尊號請下有司詳定冊禮五月詔近臣  
議皇太后上尊號冊禮樞密使韓德度以後漢太后臨  
朝故事草定上之六月詔有司冊皇太后日給三品以  
上法服三品以下用大射柳服甲午上率群臣上皇太  
后尊號曰承天皇后七月皇太后聽政二年正月朝  
皇太后四年正月朝皇太后三月與皇太后駐兵駝羅  
口伐宋四月以南捷率群臣賀于皇太后庚申朝皇太  
后五月以皇太后生辰緣宋卒厓岐溝空城者十五年  
以後歲二次問安皇太后二十四年十月率群臣上皇

太后尊號曰睿德光畧應運啓化承天皇太后二十七年十二月皇太后崩于行宮謚神聖宣獻皇后葬乾陵興宗景福元年六月尊母元妃蕭氏爲皇太后閏十月有司請以皇太后生辰爲應聖節從之十一月問安皇太后重熙元年正月皇太后御正殿受帝與群臣朝是春皇太后誣齊天皇后謀逆遣人弑于上京齊天乃是聖宗正后無子元妃稱斤生興宗后養爲子聖宗太漸稱斤嘗后曰老物寵亦有既耶令左右扶出帝崩稱斤立爲皇太后護衛馮家奴喜孫等希旨誣告北府宰相蕭從卜國舅蕭匹敵謀逆詔令鞠治連及后興宗聞之曰皇后侍先帝四十年撫育眇躬當爲太后今不果反

罪之可乎太后曰此人若在恐爲後患帝曰皇后無子而老雖在無能爲也太后不從遷后于上京猶慮帝懷鞠育恩遣人加害使至后曰我實無罪天下共知卿待我浴而就死可乎使者退比反后已崩年五十是日若有見后于木葉山陰者乘青蓋車衛從甚嚴十一月率群臣上皇太后尊號曰法天應運仁德章聖皇太后三年五月皇太后還政躬守慶陵七年二月遣使慶州問安皇太后十一月如之且進珍玩八年七月迎皇太后至顯州九年正月進酒于皇太子宫十一年正月奉迎皇太后于內殿十六年十一月幸中京朝皇太后十二月間安皇太后二十年十一月率群臣上皇太后尊號

曰仁慈聖善欽孝廣德安靜貞純懿和寬厚崇覺儀天  
皇太后

道宗清寧元年九月尊皇太后爲太皇太后皇后爲皇太  
后十二月以應聖節上太皇太后壽宴群臣及命婦二  
年十二月上皇太后尊號曰懿懿仁和文惠孝敬廣愛  
宗天皇太后三年十二月太皇太后崩謚欽哀薨慶陵  
太康二年三月皇太后崩謚仁懿薨慶陵

### 后妃

遼因突厥稱后曰可敦國語謂之底俚寒尊稱曰耨幹度  
蓋以配后土而母之云太祖稱帝尊祖母曰太皇太后  
母曰皇太后嬪曰皇后等以徽稱加以美號質于隋唐



文于故俗后族惟乙室拔里氏而世任其國事太祖慕  
漢高皇帝故耶律兼稱劉氏以乙室拔里比蕭相國遂  
爲蕭氏太祖淳欽皇后述律氏諱平小字月理朶其先  
曰鶻人父婆姑梅里母勾德忽王女后簡重果斷有雄  
畧太祖卽位群臣上尊號曰地皇后神冊元年加號應  
天大明地皇后太祖怒劉守光使韓延徽不拜留使牧  
馬后曰守節不屈賢者也太祖乃召與語大悅以爲謀  
主太祖崩斷腕納于柩太宗尊爲皇太后後以欲立少  
子李胡與世宗忤遷祖州崩年七十五祔祖陵謚貞烈  
重熙二十一年更今謚

太宗靖安皇后蕭氏小字溫淳欽皇后弟室魯之女帝爲

大元帥納爲妃生穆宗及即位立爲皇后性聰慧潔素尤被寵顧雖軍旅田獵必與偕天顯十年崩于行宮謚彰德莊憲陵重熙二十一年改今謚

按太宗天顯八年七月行納后禮此時靖安后猶在不知所納者何人將紀載有誤也

世宗懷節皇后蕭氏小字撒葛只淳欽皇后阿古只之女帝爲永康王納之生景宗天祿未立爲皇后明年秋生萌古公主在奉察割作亂弒太后及帝后乘步輦直請察割請畢收殮明日遇害謚曰孝烈重熙二十一年更今謚 妃甄氏後唐宮人有姿色帝從太宗南征得之寵遇甚厚生寧王只沒及即位立爲皇后嚴明端重風

神閑雅內治有法莫干以私後爲察割所害景宗立塋  
二后于醫巫閭山建廟陵寢側

穆宗皇后蕭氏父知播內供奉翰林承旨后生有雲氣馥  
郁久之幼有儀則帝居藩納爲妃及正位中宮性柔婉  
不能規正無子

景宗睿知皇后蕭氏諱綽小字燕燕宰相恩溫女早慧思  
過常觀諸女掃地惟后潔除喜曰此女必能成家帝卽  
位選爲貴妃尋冊皇后生聖帝景宗崩尊爲皇太后統  
和二十七年崩謚曰神聖宣獻皇后重熙二十一年更  
今謚后明達治道聞善必從故群臣咸竭其忠又習知  
軍政澶淵之役親御戎車信賞必罰將士用命聖宗稱

遼盛主后教訓爲多

聖宗仁德皇后蕭氏小字菩薩哥睿智皇后弟隗因之女  
年十二美而才選入掖庭統和十九年冊爲齊天皇后  
嘗以草建爲殿式密付有司令造清風天祥八方三殿  
既成益寵異後爲欽哀太后誣害羣慶陵 又欽哀皇  
后蕭氏小字髣斤淳欽皇后弟阿古只五世孫黜面狼  
視母嘗夢金柱擎天后獨能陞異之入宮嘗拂承天皇  
后榻獲金鷄吞之膚色光澤勝常太后知有奇子已而  
生興宗後誣仁德皇后致之死又謀立少子重元重元  
白帝帝拔太后符璽遷于慶州三年帝悔之親御奉迎  
孝養益謹而后常不懌帝崩無戚容清寧初尊太皇太

后崩謚欽哀堊慶陵

興宗仁懿皇后蕭氏小字撻里欽哀皇后弟孝穆之長女  
性寬容姿貌端麗帝即位入宮生道宗重熙四年立爲  
皇后二十三年號貞懿慈和文惠孝敬廣愛崇聖皇后  
道宗尊爲皇太后太叔重元與其子涅魯古謀反太后  
親督衛士擒之太康二年崩謚仁懿貴妃蕭氏小字  
三嬪駙馬都尉匹里之女選入東宮帝即位立爲皇后  
重熙初以罪降貴妃

按太平八年十一月諸族衛會親之帳十二月皇太子  
納妃蕭氏即此

道宗宣懿皇后蕭氏小字觀音欽哀皇后弟樞密惠之女

別古特不詳所出僕隗氏生燕王吳哥南府宰相狗兒  
姜氏生混同郡王侯古

按聖宗開泰七年皇子宗真封梁王宗元永清軍節度  
使宗簡右衛大將軍宗愿左驍衛大將軍宗偉右衛大  
將軍宗真即興宗也其名與上不同而又止五人蓋名  
乃後時改易而徇兒暴疾薨故止五耳

興宗三子仁懿皇后生道宗皇太叔義和仁壽和魯幹秦  
魏欽正王阿連

道宗一子宜懿皇后生名濬

天祚六子文妃生一子曰敖魯幹元妃生一子曰雅里七  
歲欲立爲太子別置禁衛封梁王天祚奔夏衆推稱帝

改元神曆其燕王撻魯趙王習泥烈秦王定許王寧俱  
不詳所出

### 公主

太祖一女質魯適淳欽皇后弟蕭室魯幼爲奧姑未封卒

達故器凡婚燕禮推女子可  
蕭室魯生于與謂之奧姑

太宗二女呂不古應曆間封汧國長公主保寧中進封燕  
國大長公主適北府宰相蕭思溫 朝理適北府宰相  
蕭海黎應曆初未封卒

世宗三女和古典保寧間封秦國長公主適侍中蕭嘏里  
觀音保寧間封晉國長公主適蕭夏刺 撒刺適蕭

幹里未封卒

以上皆懷  
節皇后生

魏國公主進封齊國景福中封燕國大

長公主適北府宰相蕭繼先皇后加愛賜奴婢萬口重

熙中薨長壽封吳國公主統和初進封衛國改封魏

國長公主適宰相蕭排押開泰六年薨延壽封越國

公主追封越國適蕭恒德性沉厚執婦道不以貴寵自

驕睿聖皇后于諸女中尤愛早卒以上皆唐淑哥無

封號乾亨二年適盧俊不諧改適蕭神奴勃海妃生

按聖宗統和元年二月以皇女長壽公主下嫁國舅宰

相蕭婆項子吳留十月以公主淑哥下嫁國舅詳德照

始七年四月國舅太師蕭持爲子排亞請上皇女延壽

公主許之今攷之公主表所適之人不同豈名異而人



則一乎此不可曉矣

聖宗十四年燕哥封隋國公主進封秦國興宗封宋國長

公主適蕭匹里

貴妃生

巖母堇開泰七年封魏國公主

進封秦國長公主改封秦晉國長公主清寧初加太長

公主初適蕭噉不睦改適蕭海里不睦又適蕭胡覩又

不睦乃適韓國王蕭惠以帝女而改適者四夷風猶不

改云 樂古封越國公主進封晉國景福初封秦蜀國

長公主清寧初加太長公主適蕭孝忠姿質娟秀禮法

自將

以上欽哀皇后生

崔八封南陽郡主進封公主適蕭孝

先太平末大延琳反遇害 陶哥封長寧郡主進封公

主適蕭楊六

以上蕭氏生

鈿匿封平原郡主進封荊國公

王蕭蕭雙古

亦蕭氏生

九哥封潯陽郡主進封公主適蕭

連馬氏

長壽封臨海郡主進封公主適大力秋力秋

坐延琳字改適蕭愷古

大氏生

八哥封同昌縣主進

封公主適劉三嘏 十哥封三河郡主進封公主適奚

王蕭高九 肇失封仁壽縣主進封公主適劉四端

泰哥封號未詳適忽烈

以上俱白氏生

賽哥封金卿郡主進

封公主適蕭圖王以殺無罪婢被謫圖王亦坐不能齊

家貶官

李氏生

興哥封號未詳適王六

艾氏生

按聖宗開泰元年二月詔封皇女八人爲郡主即上諸

女是也以是知遼于公主恩典亦不輕矣

興宗二女 跋芹封魏國公主重熙末徙封晉國加長公

主適蕭撒八不諧改適蕭阿速以婦道不修徙中京又

適蕭窩匿 幹里太封鄭國公主清寧間加長公主壽

隆間加太長公主適蕭余里也

以上俱仁懿皇后生

道宗三女撒葛只封鄭國公主咸雍中徙封魏國適蕭末

沉静有智太康初薨 紇里封齊國公主進封趙國適

蕭撻不也不也坐昭懷太子事被害其弟訛都幹欲逼

尚公主公主以訛都幹黨乙辛惡之未幾都幹以事伏

誅天祚幼乙辛用事公主每以匡救爲心竟誅乙辛大

安五年薨 持里封越國公主乾統初徙封梁宋國大

長公主適蕭酬幹酬幹得罪改適蕭特末特末亦爲金

人所擒公主從天祚出奔没于金

以上俱宣懿皇后生

昭懷太子一女 延壽 楚國公主徙封許國乾統元年  
進封趙國加晉國太長公主適蕭韓家奴公主幼遭乙  
辛難與兄天祚俱養于蕭懷忠家後李氏進挾轂歌天  
祚感悟召還宮

天祚六女 余里衍封蜀國公主文妃生爲金人所獲元  
妃生三女官人生二女俱爲金人所獲

和番公主

西夏高麗維達之屬國而叛服不常  
非所樂與婚也故總謂之和番

義成公主聖宗統和五年十二月西平王李繼遷爲子  
求婚詔以王子帳節度使耶律襄之女汀封義成公主  
嫁之

蕭恒德女統和十四年三月高麗王治爲子求婚許以

東京留守駙馬蕭恒德女嫁之恒德女不封公主喪失之

可老公主大平元年三月大食國王遣使請婚封王子班郎君胡思里女可老爲公主嫁之

興平公主興宗景福元年十二月以興平公主下嫁夏國王李德昭子元昊後公主與元昊不睦而沒詔詰其故興師伐之

成安公主道宗壽隆五年夏國王李乾順三遣使乞尚公主詔以族女封成安公主下嫁之

皇族

肅宗系

一世 五院夷離堇房洽魯 六院郎君房葛刺

四世 五院夷離堇敵魯古

五世 北院大王圖魯塞

九世 侍中陳家奴

不知世次 太子太傅崇古

懿祖系

一世

六院夷離堇房帖剌 六院部舍利房裏古直

簡獻皇帝兄臣馬葛

二世

夷離堇魯古只

于越轄底

俱帖剌子

遥輦可汗時本部夷離堇偶思

馬葛子

三世 迭里特轄底 阿魯敦于越曷魯子 偶思

四世 惕刺撒刺曷魯子

五世 太師斜軫

六世 小將軍狗兒

不知世次

北院夷離堇斜涅赤

政事令撻烈

北院大王曷魯

南院大王哥也

右皮室詳穩老古

大王頗德

玄祖系

一世

橫帳孟父房楚國王廉木

仲父房隋國王釋魯

二世

送刺部夷離堇胡古只

送刺部夷離堇末投

送刺部夷離堇楚不魯

但孟滑哥房父

于越魯不古

所不知

三世

捕撻馬絨沙里神速

胡古只子

北院樞密使安搏

左皮室詳穩撒給

俱楚不魯子孟父房痕只

于越注

于越休哥

孟滑子伴父房

四世

于越高十

休哥子

西平郡王賢通

魯不古子

五世

于越屋質

孟父

惕隱學古



東路統軍使烏古不

國留

昭德節度資忠昭

俱注

匡義節度馬哥

休哥孫以上俱

仲父房

六世 党項節度使唐

屋質從子孟父房

八世 節度劉家奴

屋質曾孫孟父房

九世 昭德節度使孟簡

劉家奴子孟父房

孟父房不知世次

惕隱朔古

匡義節度大悲奴

惕隱何魯掃古

濛列 撒刺竹

漆水郡王顏黑

北院宣徽使敵祿

右皮室詳穩奚低

南院大王善補

侍中化哥

于越弘古

北院宣徽使馬祿

南京宣徽使奴古達

燕王瑰引

于越仁先

惕隱許王義先

南面林牙信先三人俱瑰引子

仲父房不知世次

北院大王的祿

北面林牙韓留

定父節度仙童

西北招討使搭不也

大同節度觀音

德祖系

一世

季父房夷離重刺葛

左大相迭刺

續文獻通考

卷之二百八十九

十九

許國王寅底石

明王安端

南府宰相蘇

鐸穩

二世

賽保

中京留守拔里

俱刺葛子

劉哥

盆哥

化葛里

察割

安端子

奚寒

俱寅底石子

三世

鎮國節度合住

迭刺孫

中書令阿烈

寅底石孫

尚父奴仄

蘇子之孫

四世

太師豁黑斯

鐸穩曾孫

五世

北院樞密使頗的奴瓜孫

惕隱蒲古奴瓜孫

惕隱燕哥黑斯子

六世 北院樞密使霞抹頗的孫

鉄驪蒲古子

七世 混同郡王幹特剌阿烈孫

季父房不知世次

平章的烈

中京路案問使和尚

林牙高家

漆水郡王撻不也

南府宰相釋魯幹

烏古部節度普古

北面大王特麼

先鋒都監張奴

檢校太師吳九

林牙庶成

都林牙庶箴成子

卷古只朗

太祖系

一世

讓國文獻皇帝倍

章肅皇帝李胡世宗時與子喜隱謀反死於獄

惕隱牙里果

一世

平王隆先

晉王道隱

婁國俱讓國皇帝子

宋王喜隱世宗釋其謀反罪景宗時復謀反囚

衛王宛俱章肅皇帝子

南府宰相

室魯

北院大王奚低俱牙里  
果子

太宗系

一世

太平王晏撤葛

天德

冀王敵烈

越王必攝

二世 蛙哥

景宗系

一世 皇太弟隆慶

齊國王隆祐

二世

魏國王杳葛

幽王遂哥

陳王謝家奴

遼西郡王驤冀

漆水郡王蘇撒良隆子

周王胡都古

親王合祿仰隆子

三世 祇候郎君王家奴

祇候郎君羅漢奴俱蘇子

皇宗系

一世

皇太叔重元

椰城郡王別古特

燕王吳哥

南府宰相狗兒

混同郡王候古

二世 涅魯古鍾元子

三世 敵烈吳哥子

小系

一世 皇太叔和魯幹

二世

漆水郡王石篤

匡義節度遠

秦晉國王淳稱帝

俱和魯幹子

金

太祖應乾興運昭德定功仁明莊孝大聖武元皇帝其始

祖諱函普其部人兩族有鬪者函普解之遂得六十歲

未嫁之女生二男一女長曰烏魯次曰幹魯女曰注思

板因爲完顏部人姓完顏氏傳德帝

始祖長子安帝德帝子獻

祖安帝

昭祖獻祖子至太祖本諱阿骨打後改諱旻乃

世祖第二子母曰翼簡皇后挾懶氏以收國元年正月



即帝位建國號曰金

完其堅又自爲完顏氏部色也

二年詣班勃極烈

吳乞買及群臣上尊號曰大聖皇帝七年八月戊申崩

于部塔西行宮在位九年壽五十六 改元二收國二

年天輔七年

太宗體元應運世德昭功哲惠仁聖文烈皇帝本諱吳乞

買改諱晟世祖第四子母曰翼簡皇后挾懶氏太祖母

弟初爲穆宗養子收國元年七月命爲詣班勃極烈太

祖崩即帝位十三年正月崩于明德宮壽六十一 改

元一天會十三年

熙宗弘基續武莊靖孝成皇帝本諱合剌改諱亶太祖孫

景宗子母蒲察氏天會八年詣班勃極烈果薨定爲儲

二十三年即帝位皇統元年正月群臣上尊號曰崇天  
體道欽明文武聖德皇帝九年平章政事亮與所親駙  
馬唐括等謀亂弑帝時年三十一降帝爲東昏王世宗  
初元復帝號閔宗十九年升樹太廟增謚二十七年改  
號熙宗 政元二天眷三年皇統九年

廢帝海陵庶人亮字元功本諱廸魯乃遼王宗幹第二子  
母大氏弑熙宗自立群臣上尊號曰法天應運睿武宣  
文大明聖孝皇帝正隆元年正月群臣上尊號曰聖文  
神武皇帝六年完顏元宜等軍反遇弑在位十一年壽  
四十大定二年降封海陵郡王謚曰煬二十年詔降爲  
海陵庶人 政元三天德四年元貞三年正隆六年

世宗光天興運文德武功聖明仁孝皇帝本諱烏祿改諱  
雍太祖孫睿宗子也母曰貞懿皇后李氏初封曹國海  
陵陰謀爲害未發及南征軍士遂立爲帝大定初群臣  
上尊號曰仁明聖孝皇帝五年二月群臣加上尊號曰  
應天興祚仁德聖孝皇帝十一年十一月群臣復上尊  
號曰應天興祚欽文廣武仁德聖孝皇帝二十九年正  
月癸巳崩于福寧殿壽六十七 改元一大定二十九  
年

章宗憲天光運仁文義武神聖英孝皇帝諱璟小字麻達  
葛世宗子也母曰孝懿皇后徒單氏大定二十九年正  
月世宗崩卽帝位于柩前太和八年十一月丙辰崩于

福安殿在位二十四年壽四十一 改元三明昌六年  
承安五年太和八年

衛紹王諱允濟小字興聖章宗時避顯宗諱詔改允爲永  
世宗第七子進封衛王章宗無嗣承遺詔卽帝位于柩  
前爲胡沙虎所弑降封東海郡侯貞祐四年追復衛王  
改元三大安四年崇寧一年至寧一年

宣宗繼天興統述道勤仁英武聖孝皇帝本名吾覲補改  
諱珣顯宗長子母曰昭華劉氏至寧元年八月衛紹王  
被弑徙單銘等迎卽帝位元光二年十二月崩在位十  
年壽六十 改元三貞祐三年興定五年元光二年

哀宗諱守緒初諱守禮又諱寧申速宣宗第二子宣宗崩

即位于乾前宋元兵逼傳位于承麟自焚幽蘭軒在位  
十一年壽三十二 改元三正大八年開興一年天興  
二年

右金甌九人起牧團元年乙未繼天興三年甲午共一  
百二十年

追帝者三人

景宣皇帝諱宗峻本諱範果太祖第二子母曰聖穆皇后  
唐栢氏宗峻在諸子中最嫡克遼南京有功太祖崩與  
兄宗幹率宗室群臣立太宗天會二年薨熙宗即位上  
尊諡曰景宣皇帝廟號徽宗改葬興陵海熙統熙宗自  
立降熙宗爲東昏王降帝爲豐王世宗復帝熙宗廟諡

尊帝爲景宣皇

睿宗顯仁啓聖廣運文武簡肅皇帝諱宗堯初諱宗輔本諱訛里朶太祖第八子母曰宣獻皇后徙單氏帝魁偉尊嚴人望而畏寬恕好施敦尚誠實太祖征伐四方諸子皆總戎旅帝常在帳幄伐遼宋皆有功天會十三年薨年四十陪葬睿陵追封潞王謚襄穆皇統六年進冀國王正隆二年改封許王子世宗卽位追上尊謚廟號二年改葬于大房山號景陵

顯宗體道弘仁英文睿德光孝皇帝諱允恭本諱胡土瓦世宗第二子母曰明德皇后烏林荅氏大定八年冊爲皇太子二十五年薨謚爲宣孝太子二十九年世宗崩

太孫即位是爲章宗追上尊謚祔廟陵曰裕陵帝天性  
仁厚孝友在東宮二十五年承意開道四方陰受其賜

皇太后 太皇太后

熙宗天會十三年元未改九月尊太祖后統石烈氏太宗后

唐括昏氏爲太皇太后十四年元未改正月朝太皇太后

于兩宮是月太皇太后統石烈氏崩謚欽獻葬睿陵十

五年元未改正月朝太皇太后于明德宮 天眷元年九

月朝太皇太后于明德宮 皇統元年九月至自燕京

朝太皇太后于明德宮三年三月太皇太后唐括氏崩

五月致祭皇太后八月謚欽仁葬恭陵四年正月祭欽

仁皇太后哭盡哀

海陵天德二年正月尊嫡母徒單氏及母大氏皆爲皇太后名徒單后宮曰永壽大氏宮曰永寧十一月以太后旨稱令旨元貞元年四月皇太后大氏崩大氏與徒單后甚相得徒單后嘗以海陵之弑熙宗爲非又后生日置酒大氏起爲壽徒單方與諸公主語大氏踞者久之海陵怒曰今日之事豈能尚如前日邪明日召諸公主及宗婦與徒單語者皆杖之已遷中都獨留徒單於上京而大氏思念不已臨崩命海陵必迎致謹事之二年六月遂命右丞相僕散師恭大中正丞胡拔魯如上京迎永壽皇太后九月親迎皇太后於流沙河令左右約杖二束自隨跪謝久缺溫清罪十月皇太后至中



都居壽康宮 正隆四年正月朝皇太后於壽康宮外  
極恭順而心懷忿怒 六年八月以皇太后諫伐宋命  
大懷忠等持詔見太后於寧德宮斥令跪受太后方下  
跪虎特末從後擊弑之仍命即宮中焚其尸棄其骨水  
中

按海陵之與姑若姊妹若宗室婦無不污殘也者跡其  
暴橫豈止弑徒單爲夷狄所無哉彼大氏之於徒單至  
厚矣臨沒猶不能忘卒不免於祖落之後大氏不瞑矣  
大定二十九年正月諱宗初以皇太后命爲令旨二月  
名皇太后所居宮曰隆慶設衛尉等官三月朝於隆慶  
宮每月一朝或至再至五

章宗明昌元年十二月朝皇太后於隆慶宮詔有司正旦  
先賀隆慶宮然後進酒

宣宗貞祐元年閏九月追尊皇妣爲皇太后

哀宗正大元年正月尊皇后溫敦氏元妃溫敦氏皆爲皇  
太后 八年九月慈聖皇太后溫敦氏崩遺詔園陵制  
度務從儉約十二月葬明惠皇后

### 后妃

金代后不娶族甥舅之家有周姬齊姜之義初諸妃皆無  
位號熙宗始有貴妃賢妃德妃之號海陵後宮寢多元  
妃妹妃惠妃貴妃賢妃宸妃麗妃淑妃德妃昭妃溫妃  
柔妃凡十二位大定後宮簡少明昌以後大備內官制

度諸妃視正一品比三夫人昭儀昭容昭媛修媛充儀  
充容充媛視正二品比九嬪婕妤九人視正三品美人  
九人視正四品才人九人視正五品比二十七世婦寶  
林二十七人視正六品御女二十七人視正七品采女  
二十七人視正八品比八十一御妻又有尚宮尚儀尚  
服尚食尚寢尚功皆內官也

太祖聖穆皇后唐括氏天會十三年追謚 光懿皇后裴

滿氏天會十三年追謚 欽憲皇后紀石烈氏天會十

三年尊爲太皇太后宮號慶元十四年丁丑崩二月癸

卯附葬康陵 宣獻皇后僕散氏睿宗母天會十三年

追冊曰德妃大定元年追謚 崇妃蕭氏熙宗時封貴

妃天德二年封元妃尋封太妃後太妃誣以隱惡殺之  
大定十九年詔改葬追封崇妃

太宗欽仁皇后唐括氏熙宗即位與欽憲皇后俱尊爲太  
皇太后號明德宮皇統二年崩謚曰欽仁皇后祔葬恭  
陵熙宗悼平皇后裴滿氏初封貴妃天眷元年立爲皇  
后干預政事熙宗積怒殺之海陵弑熙宗以后死無罪  
追謚悼皇后大定間加謚悼平皇后祔葬思陵

海陵嫡母徒單氏宗幹正室無子次室大氏生海陵庶人  
海陵弑熙宗與大氏俱尊爲皇太后大氏崩以侍婢高  
福娘諧遂見弑後貶海陵爲庶人宗幹去帝號復封遼  
王降封徒單氏爲遼王妃 生母大氏天德二年與徒

單氏俱尊爲皇太后貞元元年崩諡慈憲皇后與德宗合葬大房山什附太廟大定七年追降爲遼王夫人

海陵后徒單氏斜也之女初爲岐國妃天德二年立爲后海陵後宮寮多后寵衰希得進見海陵伐宋后與子光英居守後海陵遇害光英亦被殺后至中都居于海陵母大氏故宮世宗憐其無依詔歸父母家歲賜錢二千貫奴婢皆給官廩大定十年卒海陵諸嬖初卽位時進徒單氏爲皇后第二娘子大氏封貴妃第三娘子蕭氏封昭容耶律氏封修容其後貴妃大氏進封惠妃貞元元年進封姝妃正隆二年進封元妃昭容蕭氏天德二年特封淑妃貞元二年進封宸妃修

容耶律氏天德四年進封昭媛貞元元年進昭儀三年  
進封麗妃即位之初後宮止此三人尊卑之叙等威之  
辨若有可觀者及其侈心既萌淫肆蠱惑不可復言矣  
昭妃阿里虎姓蒲察氏初嫁宗盤子阿虎迭阿虎迭  
誅再嫁宗室南家南家死海陵納之初封賢妃再封昭  
妃後以嗜酒寵衰又以侍女服男子衣冠號假鬚兒有  
勝哥者與同卧起如夫婦厨婢三娘以告使人縊死之  
貴妃定哥姓唐括氏崇義節度使烏帶之妻海陵使定  
哥殺烏帶而納之定哥自其夫在時與家奴鬪乞兒通  
及爲貴妃寵頗衰欲以計納乞兒宮中恐聞者索之乃  
令侍兒以大篋盛褻衣其中遣人載入宮閤者始見悔

懼定哥復使人詰責曰我天子妃親體衣耳爾故玩視  
何耶我且奏之閹者惶恐謝後不敢遂復以篋盛乞兒  
入宮十餘日使衣婦人衣雜諸宮婢抵暮遣出後事覺  
定哥縊死乞兒伏誅

睿宗欽慈皇后蒲察氏睿宗元配睿宗爲左副元帥薨追  
封潞王后封爲潞王妃皇統六年進號冀國王妃正隆  
例降封許王妃世宗卽位睿宗升祔追謚欽慈皇后

貞懿皇后李氏世宗母遼陽人睿宗薨時世宗年十三  
后教以義方嘗謂親曰吾兒有奇相貴不可言居上京  
內治嚴肅臧獲皆守規矩衣服飲食器皿皆精潔敦睦  
親族周給貧乏宗室中甚敬之後有欲續娶者后乃祝

髮爲比丘尼號通慧圓明大師賜紫衣歸遼陽營建清  
安禪寺別爲尼院居之正隆六年五月卒世宗卽位謚  
曰貞懿皇后其寢園曰孝寧宮

世宗昭德皇后烏林荅氏性聰敏孝慈在父家宗族敬重  
既歸世宗事舅姑孝謹治家有叙世宗在濟南海陵召  
後來中郤后曰我不行上必殺王我當自勉不以相累  
也至良鄉自殺大定二年追冊爲昭德皇后世宗終身  
不立后曰念皇后之德今無其比也章宗時有司奏太  
祖謚有昭德字改謚明德皇后元妃張氏父玄微母  
高氏與世宗母貞懿皇后葭華戚世宗納爲次室生趙  
王承中而卒大定二年進封宸妃又進惠妃十九年進



元妃 元妃李氏南陽郡王李石女生鄭王允蹈衛紹王允濟潞王允德豫王允成母昭儀梁氏早卒上命允成爲妃養于大定九年封賢妃二年進貴妃七年進元妃妃雖貴不預政二十一年薨于長春宮還葬京師海王莊二十八年陪葬坤厚陵衛紹王卽位追謚光獻皇后貞祐三年九月崩皇后號

顯宗孝懿皇后徒單氏其先忒里闐棘人父貞尚遼王宗幹女梁國公主后生于遼陽生時母夢神投寶珠光焰滿室既生紅光燭庭稍長父母令總家政細大畢辦諸男不及也大定四年納爲皇太子妃未幾生皇孫又生麻達葛山后素謹畏戒其父母家善自保持而后家果

以海陵事敗盡其遠慮如此章宗即位尊爲皇太后奉  
禮罔至又嘗戒諸姪毋肆非違以干常憲明昌二年崩  
于隆慶宮年四十五謚曰孝懿祔葬裕陵 昭聖皇后  
劉氏遼陽人天眷九年九月夜后家若見有黃衣女子  
入其母室中者俄頃后生性聰慧凡字過目不忘讀孝  
經旬日終卷大定元年選入東宮三年三月十三日宣  
宗生是日大雨雹電后驚悸得疾卒承安五年贈裕陵  
昭華宣宗即位追尊皇太后

章宗欽懷皇后蒲察氏上京路曷速河人始生有紅光被  
體移時不散就養于姨冀國公主既長孝謹如事所生  
大定二十三年章宗爲金源郡王行納采禮世宗遣近

侍就賜金百兩銀千兩廐馬六匹重綵三十端拜命間  
慶雲見于日側觀者異之親迎後封金源郡王夫人後  
進封妃崩帝卽位加追冊詔告中外奉安神主于坤寧  
宮歲時致祭大安初祔塋道陵 元妃李氏名師兒父  
湘母王昉兒皆微賤大定末以監戶女子入宮時宮教  
張建設青紗障教諸宮女惟師兒易爲領袖後章宗納  
爲妃妃知文義善伺候顏色大見愛幸明昌四年封爲  
昭容又進封淑妃遂欲立爲后大臣固執不可不得已  
進封元妃章宗無嗣立衛王妃與亮頗匡有力焉而匡  
欲專爲已功遂誣構妃欲令宮人詐作有身計取他兒  
充皇嗣乃賜妃自盡

得紹王后妹單氏大安元年立爲皇后至寧元年胡沙虎  
亂與衛王俱遷于衛邸帝遇弒宣帝卽位衛王降爲東  
海郡侯徒單氏削皇后號貞祐二年遷都汴詔凡衛紹  
王及鄆厲王家人皆徙鄆州仍禁錮不得出入男女不  
得婚嫁者十九年天興元年詔釋禁錮不知所終

宣宗皇后王氏中都人明惠皇后妹也其父嘗夢二玉梳  
化爲月而生二后宣宗爲冀王時納爲元妃姊爲淑妃  
淑妃生哀宗后無子養哀宗爲子貞祐二年七月賜姓  
溫敦氏立爲皇后哀宗卽位尊后爲皇太后后號其宮曰  
仁聖及京城破后及諸妃嬪北遷不知所終 明惠皇  
后王皇后之姊也生哀宗宣帝卽位封爲淑妃及妹立

爲后進封元妃哀宗即位尊爲皇太后號其宮曰慈聖  
后性端嚴哀宗立爲皇太子有過尚切責之及即位始  
免櫬楚尚食以王益奉太后及帝與中宮而荆王母真  
妃龐氏以瑪瑙器進后見之怒曰誰令汝妄生分別荆  
王母豈卑我兒婦耶是後宮中奉真妃有加或告荆王  
謀不軌議獄已決后謂帝曰汝止一兄柰何欲以讒言  
害之立趣赦出涕泣慰撫時有獻聖德中興頌者后不  
悅曰僅一小捷何中興而譎之若此正大八年九月后  
崩遣命薄塋十二月塋迎朔門外五里莊獻太子墓之  
西謚明惠

哀宗皇后徒單氏宣宗及后有疾后嘗刮膚以進宣宗聞

而嘉之正大三年詔立爲皇后哀宗還歸德遣后弟四喜等請汴奉迎夜至陳留不敢進復歸于汴未幾城破北遷不知所終

皇太子 皇子

太祖十六子聖穆皇后生景宣帝豐王烏烈趙王宗傑光懿皇后生遼王宗幹欽憲皇后生宋王宗望陳王宗雋瀋王訛魯宣獻皇后生睿宗幽王訛魯朵元妃烏古論氏生梁王宗弼衛王宗強蜀王宗敏崇妃蕭氏生紀王習泥烈息王寧吉莒王燕孫娘子獨奴可生鄴王幹忽太宗十四子蒲魯虎胡魯解魯補阿魯帶阿魯補解沙虎阿鄰阿魯鶻懶胡里甲神土門解勃束幹烈鶻沙母氏

所出俱不詳海陵時俱被害太宗後絕

熙宗二子長曰濟安悼平皇后以皇統二年二月生于天  
開殿時上年二十四始有子大赦天下告天地宗廟剪  
髮復告天地宗廟旋冊爲皇太子十二月濟安病劇上  
與皇后幸佛寺焚香流涕哀禱曲赦五百里內罪囚是  
夜薨謚英悼太子塋興陵之側命工塑像于儲慶寺以  
曰道濟賢妃所生皇統三年命爲中京留守以直學士  
阿懶爲都提點張玄素爲同提點輔道之俄封魏王封  
其母爲賢妃初居外後養之宮中未幾熙宗怒殺之  
金初制度未立太宗熙宗皆自諱班勃極烈即帝位諱  
班勃極烈者漢語最尊官也熙宗立濟安爲皇太子始

正名位定制焉

海陵四子皇太子光英宗王元壽宿王矧思阿補滕王廣  
陽母氏所出不詳

睿宗二子長世宗次齊王吾里補

世宗十子昭德皇后生顯宗趙王孰輦越王斜魯元妃張  
氏生邵王允中越王允功元妃李氏生鄭王允蹈衛紹  
王允濟潞王允德昭儀梁氏生豫王允成才人石抹氏  
生夔王允升孰輦斜魯皆早卒

顯宗七子孝懿皇后生章宗昭聖皇后生宣宗諸姬田氏

生郕王承慶徽名瀛王歡魯徽名霍王阿鄰徽名劉氏

生瀛王吾里補徽名王氏生溫王謀良虎徽名



章宗六子欽懷皇后生絳王洪裕資明夫人林氏生荆王  
洪靖諸姬生榮王洪熙英王洪行壽王洪輝元妃氏  
生葛王忒鄰六子皆早卒

衛紹王六子皇太子從恪次猛安殿名按出  
殿名按辰  
可考四人外氏所出不詳

宣宗四子莊獻太子守忠及玄齡其母未詳明惠皇后生  
末帝真妃麗氏生荆王守純守忠子冲懷皇太孫鑑守  
純子曹王訛可戴王某臺王孝德時有肉芝狐貉之惟  
諸王及宗室皆死青城

公主其多不全

太祖女畢國公主下嫁烏古訛論

太宗女鄂國公主下嫁奪阿鄰

熙宗女鄭國公主下嫁蒲察鼎壽 潘國公主下嫁徒單

繹史云第七女又府君奴尚熙宗女不著封號

睿宗妹梁國公主下嫁僕散揆

睿宗女楚國公主下嫁唐括德溫 冀國公主下嫁烏古

論粘沒喝

海陵姊遼國公主迪鉢 定國公主崔哥 女弟慶宜公

主皆下嫁蒲察阿虎迭

世宗女魯國公主下嫁烏古論元忠第一女 唐國公主下嫁

徒單思忠第二女 吳國公主下嫁唐括貢第四女 宛國公主

下嫁烏林荅復第七女 定國公主景國公主道國公主皆

下嫁蒲察辭不失 衛國公主下嫁蒲速烈 韓國公

主下嫁僕散揆 澤國公主長樂與鄭王永蹈謀不軌

賜自盡不著所尚

以上皆不知次第

顯宗女鄴國公主下嫁烏古論誼 邢國公主下嫁僕散

安貞昇國公主不著所尚

章宗女郕國公主下嫁烏林荅琳

宣宗女溫國公主不著所尚

### 皇族

熙宗皇統四年詔左丞勗平章政事夾職俸外別給二品俸舊制皇兄弟子爲皇子給二品俸宗室封一字王者給三品俸勗等別給二品俸異數也 六年正月封太

祖諸孫爲王

海陵天德二年四月殺太宗子孫七十餘人周國王宗翰  
子孫三十餘人諸宗室五十餘人十二月詔改定繼絕  
法 正隆二年三月改定親王以下封爵等第命置局  
追取存亡告身存者二品以上死者一品叅酌削降公  
私文書但有王爵字者皆立限毀抹雖墳墓碑志並發  
而毀之

世宗大定二年授張錫河間府事引見于香閣諭曰聞皇  
族居彼者縱甚公當以法繩之錫下車宣布詔言後無  
有撓政亂民者十二年十月以德州防禦使文貴產賜  
其兄之子咬住且諭其母曰文之罪汝等皆當連坐念

宋王有大功于國故置不問仍以家產賜汝子十月上  
謂宰臣曰宗室中有不任官事者若不加恩澤于親親  
之道未弘朕欲授以散官量與廩祿未知前代何如左  
丞石琚曰陶唐親九族周家睦九族見于詩書皆帝王  
美事也十六年正月詔宗室未附玉牒者並與編次十  
七年二月上謂宰臣曰宗室中年老者往往未有官稱  
其先皆有功於國朕欲稍加以官使有名爵者可稱如  
何對曰親親報功帝王之令則五月尚書省奏定皇家  
袒免以上燕享班次並從唐制十八年十一月尚書省  
奏擬宗室同知永寧軍節度使阿可爲刺史上以阿可  
年幼雖宗室不可私阻之二十年四月制宗室及外戚

并一品命婦衣服聽用明金二十二年十月徙河間宗  
室于平州二十五年四月以會寧府官一人兼太宗正  
丞以治宗室之政是月宴宗室宗婦于皇武殿大功親  
賜官三階小功二階總麻一階年高屬近者加宣武將  
軍及封宗女賜銀絹各有差曰朕尋常不飲酒今日甚  
欲成醉此樂亦不易得也宗室婦女及群臣故老以次  
起舞進酒上曰吾來數月未有一人歌本曲者吾爲汝  
等歌之命宗室子弟叙坐殿下者皆坐殿上聽上自歌  
其詞道王業之艱難及繼述之不易至慨想祖宗宛然  
如親慷慨悲激不能成聲歌畢泣下右丞相元忠率群  
臣宗戚捧觴上壽皆稱萬歲于是諸夫人更歌本曲如

私家之會既醉上復續調至一鼓乃罷二十九年六月  
時章宗已即位詔有司諸親王到任各給錢二十萬

章宗明昌元年六月制定親王家人有犯其長史府掾失  
覺察故縱罪八月勅麻吉以皇家祖免之親特收充尚  
書省祗候郎君仍爲永制三年四月勅親王衣領用銀  
褐紫綠十月諭諸王府傳尉勸道彌縫無及鎖碎之事  
無妨公道者四年十二月諸王府增置司馬一人五年  
九月修王牒成定皇族收養異姓男爲子者徒三年姓  
同者減二等立嫡爲後者徒一年太和六年三月大睦  
親府進重修王牒七年遣中使馮賢童以實封御札賜  
張行簡曰朕念鎬鄭二王誤于天常自貽伊戚薰莸郊

野多厯年所朕甚悼焉欲追復前爵尙禮改葬卿可詳  
閱唐貞觀追贈隱巢并前代故事密封以聞又曰欲使  
石古乃于幽州擇地管葬歲時致奠兼命衛王諸子中  
立一人爲鄭王後修其祭祀此事旣行理須降詔卿草  
詔文大意一就封進行簡乃具漢淮南厲王長楚王英  
唐隱太子建成巢刺王元吉譙王重福故事爲奏并進  
詔草遂施行焉時以衛王子按辰爲鄭王後

宣宗貞祐三年九月命司屬令和尙等護治鞏國公按春  
第上謂宰臣曰按春所爲不慎或至犯法令之則理所  
不容治之則失親親之道但當設官防之耳按春尋以  
不法謫博州防禦使興定元年八月御史大夫永錫失



律當斬從坦以近族上疏救之乃削官爵特寬其死元  
光二年詔諭宰臣曰樞密副使賽不本皇族也先世偶  
然脫遺朕重其舊人且久勞王事已命睦親府附屬籍  
矣卿等宜知之

哀帝正大二年十月內族王家奴故殺鮮于主簿權貴多  
救之者上曰英王朕兄敢妄撻一人乎朕爲人主敢以  
無罪害一人乎衰弱之際生靈有幾何而族子恃勢殺  
主簿吾民無主矣特命斬之天興元年四月釋鎬厲王  
衛紹王二族禁錮聽自便

始祖系

一世 幹魯 與德帝凡二人

八世 匡本名撒達

德帝系

一世 董魯與安帝凡二人

三世 胡率董魯孫

四世 特進勃者

安帝系

一世 信德 謝庫德 謝夷保 謝里忽與獻祖共五人

二世 開府儀同三司盆納夷保子

三世 儀同三司拔達庫德孫

獻祖系

一世 朴都 阿保寒 敵酷 敵古廼 撒黑

撒葛周 與昭祖共七人

昭祖系

一世

烏骨出

跋黑

跋里黑

幹里安

胡失荅

與景祖共六人

二世

勃極烈辭不失

本名何買烏骨子

三世

太保兼都元帥昂

本名奔裡跋黑係

四世

寧州刺史宗亨

辭不失孫

尚書右丞相宗賢

辭不失孫

右丞相兼都元帥宗浩昂子

景祖系

一世

韓國公劼者

沂國公劼孫

代國公劼真保

虞國公旃頗

阿離合懣

勃極烈鄭國公謨都訶

本名阿哈與世祖  
嗣宗穆宗共九人

二世

忽魯勃極烈金源郡王撒改

勅者子

西南路都統金源郡王幹魯

勅者子

大司空昱

本名蒲家  
奴劼孫

金紫光祿大夫謾都本麻頗子

設睹麻頗子  
賽也麻頗子

太尉左丞相晏本名幹魯又名  
諱論合德子

工部尚書謀里也謾都  
子

三世

太保領三省事晉國王宗翰本名粘沒  
哥無改子

特進扎保迪撒改子

尚書右丞相宗憲撒改子

銀青光祿大夫撒八幹魯子

平章政事宗尹賽也子

平章政事宗寧賽也子

忽里乃晏子

河南路統軍使宗道

晏子本名八十

四世

賽里

撒八子

韓州刺史

字寧子

五世

左丞相秉德

宗翰孫

斜哥

宗翰孫

阿魯

早魯孫

世祖系

一世

諸班勃極烈遼王杲

本名斜也

魏王幹帶

鄭王幹賽

魯王幹者

漢王烏古乃

魯王闍毋

沂王查刺

鄆王霸合布里

平章政事鄆王昂

本名烏特與康宗太宗共十二人

二世

平章政事宗義

本名索吉

龍虎衛上將軍蒲馬

龍虎衛上將軍李論出

龍虎衛上將軍阿魯

龍虎衛上將軍優喝

襲猛安阿虎里

六人俱果子

震武軍節度使宗永

子齊賽

驃騎上將軍神土德

驃騎上將軍神土德

子齊者

參知政事宗叙

子闡

益都尹鄭家

昂子

驃騎使鶴壽

子十

特進悟烈

霸合布里子

三世

御史大夫璋

本名胡麻愈  
神土慧子

右丞相承暉

鄭家子

順義軍節度使承

本名醜漢  
悟烈子

肅宗系

一世

溫國公樛醅欽

崇國公蒲魯虎

穆宗系

一世

太師領三省事勗

本名  
烏也

左副元帥捷懶

齊國公蒲察

崇國公蒲里迭

銀青光祿大夫撒杞

二世

刑部尚書宗秀

昂子

康宗系



一世

楚王謀良虎

改名宗雄

昭武大將軍同刮苗

龍虎衛上將軍隈可

二世

余里也

襲猛安蒲魯虎

太子太保余源郡王按答海

兵部尚書阿鄰

已上五人俱謀良虎子

三世

金紫光祿大夫桓端

蒲魯虎子

四世

上京路提刑使蒲帶

余里也系

梟頻

桓端子

太祖系

一世

太師領三省事遼王宗幹

左副元師宋王宗望

本名幹  
離不

太師領三省事梁王宗弼

本名  
九木

豐王烏烈

趙王宗傑

右丞相陳王宗

同

濬王訛魯

幽王訛魯朵

衛王宗強

左丞相曹王宗敏

紀王習泥烈

息王寧吉

莒王撫孫

鄴王幹忽

二世

左丞相代王充

大尉領三省事充

輔國上將軍襄

西京留守襄

已上俱宗幹子

齊

西京留守京

大名尹荆王文

已上俱宗瑩子

廣寧尹韓王享

羊蹄

已上俱宗弼

會寧牧鄧王奭

宗傑子

太子太傅榮王爽

本名阿都

兵部尚書可喜

濟南尹阿瑣

已上俱宗強子

舒國公褒

密國公阿里罕

已上俱宗敏子

三世

歸德軍節度使檀奴

永元

本名元奴

同知濟南尹耶補

輔國上將軍阿里白

已上俱充子

同知定武軍節度使阿合子 應國公和尚子

捷懶

襲猛安敵佳齊子

阿懶子

太宗系

一世

太師領三省事宋王宗盤 左丞相幽王宗固

代王宗雅 虞王阿魯補

滕王斛沙虎 薛王宗懿

左丞相原王宗本 翼王窩懶

豐王宗美 鄆王神土門

霍王斛孛束 蔡王幹烈

畢王宗哲

徐王宗順

二世

阿里虎

宗太子

世宗系

一世

鎬王永中

趙王執輦

越王紂魯

越王永功

豫王永成

褒王永升

鄭王永蹈

曹王永德

二世

瑜

本名石古乃

璋

本名神土門

玘

本名阿思滿

瑒

本名阿離合滿  
已上俱未中下

瑤本名福孫為奉國上將軍

璠本名壽孫封密國公

琳本名粘沒喝已上俱承功子

瑋本名仁壽

瑋本名仁安已上俱承成子

璉本名隆禔承升子

按春

阿幸二人俱承昭子

琰本名幹論承德子

不知世次者十一族

阿古廼始祖兄其裔有捷不也遼太祖合住後二州捷不也

之子為胡十門驃騎衛上將軍孫為鈎室合住之子為蒲連越

遼中王為余里也曹州為布輝節度使

保活里始祖弟其四世孫為津不乃五世孫為石土門源金

石土門之子為習失平章為思敬政事為阿斯懣為廼

乃目中華門

婆廬火安帝五代孫泰州都統其子為婆速孫為吾扎忽

胡特孛山婆廬火族兄弟其子為果本名機離喝行孫為

宗安御史大夫

釋古昭祖曾孫東京守其子為阿魯帶孫為襄尚書左

崇成昭玄孫武衛軍都指揮使

冶訶系出景祖銀山先其子為阿魯補其子為骨被德天

軍節度使為訛古乃西南路招討使為撒荅而骨被之子為喜哥撒

荅之子為蒲查西南路招討使

阿離補系出景祖行索右丞相其子為烏帶尚書左丞相為方養書

代

胡八魯穆宗孫

寧州刺史

其子為齊

節度使

拔離速宗室子

元帥左監軍

其族子為銀朮可

同中書門下平章

為麻

吉銀青光祿大夫

而銀朮可之子為殺英

平章政事

麻吉之子為沃

側金北路使

宗賢太祖從姪本名阿魯

妻德路兵馬

又朮魯

胡石改

阿喜

突合速皆宗室子不知所

出

元

太祖諱鐵木真姓奇渥溫氏蒙古部人其十世祖字端义

兒母曰阿蘭果火夫亡阿蘭寡居夜寢帳中夢白光自

天窓中入化為金色神人來趨卧榻阿蘭驚覺遂有娠



產一子即李端义兒也李端义兒歿于八林昔黑刺禿  
合必畜嗣生子咩然篤敦妻曰莫罕倫爲押刺伊所滅  
惟長孫海都得免諸民共立爲君海都歿于拜惟忽兒  
嗣拜惟忽兒歿于敦必乃嗣敦必乃歿于葛不律寒嗣  
葛不律寒歿于八哩丹嗣八哩丹歿于也速該嗣并吞  
諸部落勢愈盛大也速該崩至元三年十月追謚烈祖  
神元皇帝初烈祖征塔塔兒部獲其部長鐵木直宣懿  
太后月倫適生帝手握凝血如赤石烈祖異之因以所  
獲鐵木直名之帝既立滅汪罕伐乃蠻征西夏拔力吉  
里寨經洛思城大掠人民及其橐駝而還元年丙寅帝  
大會諸王群臣建九旂白旂即皇帝位於斡離河之源

諸王群臣共上尊號曰歲吉思皇帝壽六十正薨起輦  
谷至元三年冬十月追謚聖武皇帝至大二年冬十一  
月庚辰加謚法天啓運聖武皇帝廟號太祖在位二十  
二年是歲皇子拖雷監國

太宗英文皇帝諱窩闊台太祖第三子母曰光獻皇后弘  
吉刺氏太祖伐金定西域帝攻城畧地之功居多太祖  
崩以遺詔卽皇帝位始立朝儀皇族尊屬皆拜頒大札  
撒華言大十三年十一月丁亥大獵辛卯遲明帝崩於  
行殿在位十三年壽五十六薨起輦谷追謚英文皇帝  
廟號太宗

定宗簡平皇帝諱貴由太宗長子母曰六皇后乃馬真氏

太宗嘗有旨以皇孫失烈門爲嗣太宗崩皇后臨朝元年秋七月卽皇帝位於汪吉宿城禿里之地帝雖御極而朝政猶出於六皇后三年春帝崩在位三年壽四十三塋起輦谷追謚簡平皇帝廟號定宗

憲宗桓肅皇帝諱蒙哥睿宗拖雷長子母曰莊獻太后歲戊辰十二月三日生帝時有黃忽答部知天象者言帝後必大貴故以蒙哥爲名

蒙哥華言長生也

太宗在潛邸養以

爲子屬昂灰皇后撫育之既長爲娶火魯剌部女火里差爲妃及睿宗薨乃命歸藩邸從征伐屢立奇功歲戊申定宗崩諸王拔都木哥等建議推戴卽皇帝位於斡難河遂改更庶政命皇弟忽必烈領治蒙古漢地民戶

九年六月帝不豫癸亥崩于釣魚山壽五十二在位九年追謚恒肅皇帝廟號憲宗

世祖皇帝諱忽必烈睿宗皇帝第四子母莊聖太后怯烈氏以乙亥歲八月乙卯生及長仁明英睿事太后至孝尤善撫下納弘吉剌氏爲妃憲宗盡屬以漠南漢地軍國庶事遂南駐於忽都之地憲宗祖親王諸大臣勸進辛卯卽皇帝位三十一年春癸酉帝崩於紫橿殿在位三十五年壽八十承正統實計十六年百官請謚於南郊上尊謚曰聖德神功文武皇帝廟號世祖國語尊稱曰薛禪皇帝建元二中統四年至元三十一年

成宗諱鐵穆不世祖之孫裕宗真金第三子母徽仁裕聖

皇后弘吉烈氏至元三十一年春正月世祖崩夏四月  
甲午即皇帝位十一年春正月帝崩于玉德殿在位十  
三年壽四十二謚曰欽文廣孝皇帝廟號成宗國語曰  
完澤篤皇帝改元二元貞二年大德十一年

武宗諱海山順宗荅剌麻八剌之長子母興聖太后弘吉  
刺氏成宗大德三年封爲懷寧王賜金印十一年成宗  
崩以世祖曾孫之嫡裕宗正派之傳卽位于上都至大  
四年春正月庚辰帝崩於玉德殿在位五年壽三十一  
百官也先鐵木兒等上尊謚曰仁惠慈孝皇帝廟號武  
宗國語曰曲律皇帝改元一至大四年

仁宗諱愛育黎拔山八達順宗次子武宗之弟母興聖太

后弘吉刺氏至大四年春正月庚辰武宗崩庚寅卽皇  
帝位于大明殿七年春正月辛丑帝崩於光天宮壽三  
十有六在位十年癸卯葬起輦谷從諸帝陵五月乙未  
群臣上謚曰聖文欽孝皇帝廟號仁宗國語曰普顏篤  
皇帝改元二皇慶二年延祐七年

英宗諱碩德八剌仁宗嫡子母莊懿慈聖皇后弘吉刺氏  
延祐三年十二月丁亥立爲皇太子授金寶七年春正  
月戊戌仁宗不豫帝憂形於色夜則焚香泣天求代辛  
丑仁宗崩帝哀毀過禮素服寢於地日轍一帟三月庚  
寅帝卽位於大明殿五月壬辰朔車駕幸上都還駐南  
坡鐵失赤斤鐵木兒等弑帝於行幄年二十一從葬諸

帝陵泰定元年二月上尊謚曰睿聖文孝皇帝廟號英宗改元一至治三年

泰定皇帝諱也先鐵木兒顯宗甘麻剌之長子裕宗之嫡孫初世祖以第四子那木罕爲北安王北安薨顯宗以長孫封晉王至元十三年帝生於晉邸嗣晉王仍鎮北邊成宗武宗仁宗之立咸與翊戴謀有盟書焉英宗遇弒諸王按梯不花奉皇帝璽綬北迎帝于鎮所癸巳即皇帝位於龍居河致和元年七月庚午帝崩于上都即位五年壽三十六帝雖裕宗長孫以自立故文宗不爲立廟謚止稱爲泰定帝改元二泰定五年後改致和王禕曰武帝以兄弟相及約繼世子孫迭居大位而仁

宗惑於讒言不踐宿諾傳位英宗乃使武宗二子明宗  
文宗出居於外及英宗遇弒而明宗在北文宗在南晉  
邸乘間入繼大統或謂晉邸非所宜立雖然晉王於世  
祖孫也於次爲長雖守藩服嘗有盟書今國統之弗繼  
則末所當立者舍晉王之系將誰屬耶然則謂晉王非  
所宜立亦過也

明宗諱和世疎武宗長子母仁獻莊聖皇后亦乞烈氏成  
宗崩武宗入繼大統立仁宗爲皇太子命以次傳於帝  
仁宗立議建東官時丞相鐵木迭而欲固位取寵乃議  
立英宗爲皇太子封帝爲周王出鎮雲南延祐七年仁  
宗崩英宗嗣立爲御史大夫鐵失等所弒晉王也先鐵



木兒自立爲泰定皇帝泰定崩迎帝弟懷王於江陵正大位是爲文宗帝卽位於和寧之北遣武寧王徹禿及哈八兒禿立文宗爲皇太子庚辰帝暴崩年三十在位六月是月己亥皇太子復卽皇帝位上尊謚曰翼獻景孝皇帝廟號明宗

文宗諱圖帖睦爾武宗次子明宗弟母文獻昭聖皇后唐兀氏武宗崩傳位于弟仁宗立英宗爲皇太子及英宗卽位出帝居於海南未幾鐵失等爲逆晉王自立爲泰定帝召帝於海南之瓊州封懷王泰定皇帝崩於上都燕鐵禾兒舉義馳驛迎帝至京師卽位于大明殿己遣使奉迎皇兄明宗皇帝於漠北明宗崩帝以明宗后之

命卽位於上都文武百官上尊號曰欽天統聖至德成  
功大文孝皇帝至順三年帝崩於大都在位五年壽二  
十有九元統二年上尊謚曰聖明元孝皇帝國語曰札  
牙篤皇帝三月己酉祔於大廟後至元六年六月以帝  
謀爲不軌使明宗飲恨而崩詔除其廟主改元二天曆  
二年至順三年

丘氏濟曰按順帝紀後至元六年詔天下謂文宗謀爲  
不軌使明宗飲恨而崩則文宗弒逆明矣史綱以暴卒  
書何夫弒逆大罪也加人以大罪自非覈其獄詞真無  
毫髮之疑何可輕以加人哉考史文宗崩有于燕帖古  
思其后舍己子而立明宗之子寧宗寧宗死又迎寧宗

兄順帝於廣西而立之設使文宗果有弑逆之舉文宗  
后獨不慮立所害之人之子他日不報讐于我乎使已  
無子不得已尚求諸他況已有子乎雖后婦人慮不及  
此當時同事之人如燕帖木兒輩固在也不慮及此何  
哉意必順帝憾文宗謂已非明宗子出之於外欲逞其  
憾或者遂從而構之耶其事之可疑有如此者此其所  
以不敢加以大罪與然則文宗謂順帝非明宗子是歟  
曰順帝生朔漠之外其事之真偽不可知若謂其爲瀛  
國公之子則愚決不敢信以爲然也

寧宗諱懿璘質班明宗第二子母皇后乃蠻真氏天曆二  
年封帝爲酈王至順三年文宗崩皇后尊楊末命傳位

於明宗之子帝卽位於大明殿二月壬辰帝崩年七歲  
在位二月至元四年三月辛酉謚曰冲聖嗣孝皇帝廟  
號寧宗

順帝名妥懽帖睦爾明宗之長子母罕祿魯氏名邁來廸  
明宗后八不涉被讒遇害遂徙帝於高麗使居大青島  
中不與人接越一載詔天下言明宗在朔漠之時素謂  
非已之子移廣西之靜江寧宗崩燕鐵木兒請立燕帖  
古思文宗后曰吾子尚幼妥懽帖睦爾在廣西今年十  
三矣且明宗之長子禮當立之乃與大臣定議立帝四  
年六月帝卽位于上都至正二十八年 大明兵至通  
州夜半開建德門北奔後二年因痢疾殂於應昌壽五

十一在位三十六年 大明皇帝以帝知順天命退避而去特加其號曰順帝而封其孫買的里八剌爲崇禮侯順帝改元三元統二年至元六年至正二十八年

追帝者四人

睿宗景襄皇帝諱拖雷太祖第四子太宗同母弟太宗不豫拖雷禱於天地請以身代居數日太宗疾愈拖雷從之北還至阿剌合的思之地遇疾而薨壽四十妃怯烈氏子十一人長憲宗次四則世祖也憲宗立追諡曰英武皇帝廟號睿宗至元二年改諡景襄皇帝

裕宗諱真金世祖嫡子母昭睿順聖皇后弘吉烈氏少從姚樞竇默受孝經及終卷世祖大悅十年立爲太子仍

兼中書令判樞密院事受王冊十八年正月昭睿順聖  
皇后崩太子自獵所奔赴勺飲不入口者終日設廬帳  
居之世祖春秋高江南行臺監察御史請禪位於太子  
太子聞之懼未幾遂薨年四十三成宗即位追諡曰文  
惠明孝皇帝廟號裕宗祔太廟

顯宗諱甘麻剌裕宗長子母徽仁裕聖皇后弘吉剌氏甘  
麻剌少育於祖母昭睿順聖皇后日侍世祖至元中奉  
旨鎮北邊二十七年冬封梁王授以金印出鎮雲南二  
十九年改封晉王移鎮北邊統領太祖四大幹耳朵及  
軍馬達達國土更鑄晉王金印授之世祖崩晉王曰昔  
皇祖命我鎮撫北方以衛社稷久歷邊事願服厥職毋

弟鐵木耳仁孝宜嗣大統于是成宗卽帝位而晉王復  
歸藩邸元貞六年王薨年四十子三人曰也孫帖木兒  
曰松山曰迭里哥兒不花王薨後十年仁宗卽位謚王  
曰獻武又十一年英宗遇弒也孫帖木兒以嗣晉王卽  
皇帝位追尊曰光聖仁孝皇帝廟號顯宗祔享太廟又  
六年文帝卽位乃毀其廟室

順宗昭聖衍孝皇帝諱荅剌麻八剌裕宗第二子母曰徽  
仁裕聖皇后弘吉剌氏至元二十八年出鎮懷州以疾  
召還明年春二月薨年二十九子三人長曰阿木哥封  
魏王女侍郭出也妃所生者曰海山是爲武宗曰愛育  
黎拔力八達是爲仁宗大德十一年秋武宗卽位追謚

曰昭聖衍孝皇帝廟號順宗祔享太廟

太上皇太皇太后皇太后

母后臨朝稱制及  
養奉弘親父母祔

仁宗延祐六年帝語左右曰前代有太上皇之號今太子  
且長可居大位朕欲爲太上皇與若等遊觀西山以終  
天年群臣皆稱善左司郎中月魯帖木兒曰臣聞昔所  
謂太上皇若唐玄宗宋徽宗皆當禍亂不得已而爲之  
願陛下正大位保無疆之業前代虛名何足慕哉帝乃  
止

世祖時尊后弘吉剌氏爲皇太后

成宗即位尊太母元妃曰皇太后 貞元元年四月立掌  
謁司掌皇太后寶秩四品以宦者爲之



武宗卽位尊太母元妃曰皇太后太后與子海山俱出居懷州至是海山自懷州至上都卽位遂尊考曰皇帝母曰皇太后始居隆福宮後居興聖宮十一月帝朝隆福宮上皇太后玉冊主實詔皇太后軍民人匠等戶租賦徭役有司勿與並緣宣徽院二年冬以皇太后疾釋大辟百人三年正月上皇太后尊號告祀南郊又告祀太廟十月帝率皇太子諸王群臣朝興聖宮上皇太后尊號冊寶曰儀天興聖慈仁昭懿壽元皇太后仍謝太廟赦天下

仁宗延祐二年三月帝率諸王百官奉玉冊玉寶加上皇太后尊號曰儀天興聖慈仁昭懿壽元全德泰寧福慶

皇太后

英宗以延祐七年三月即位尊皇太后爲太后旋受百官朝賀於興聖宮十二月帝率百官奉玉冊王寶加上太皇太后尊號曰儀天興聖慈仁昭懿壽元全德泰寧福慶徽文崇祐太皇太后至治二年九月太皇太后崩十二月定謚太皇太后曰昭獻元聖遣太常禮儀院以謚議告於太廟

泰定時欲加號太后曰太皇太后命朝臣議之監察御史自當曰太后稱太皇太后於禮不合衆皆曰英宗何以加皇太后號曰太皇太后自當曰英宗孫也今上子也太皇太后之號孫可以稱之子不可以稱之也議遂定

寧宗即位奉王冊王寶尊文宗后不荅失里爲皇太后十  
二月皇太后御興聖殿受朝賀

順帝即位爲皇太后置徽政院設官屬三百六十有六員  
元統二年十月奉王冊王寶上皇太后尊號曰贊天開  
聖仁壽徽懿昭宣皇太后

至元元年正月上皇太后冊寶遣官告祭天地太廟五  
月皇太后以膺受冊寶恭謝太廟八月議尊皇太后爲  
太皇太后許有壬諫以爲非禮不從十二月奉王冊王  
寶上太皇太后尊號曰贊天開聖徽懿宣昭貞文慈佑  
儲善衍慶福元太皇太后五年八月詔曰不荅失里本  
朕之嬖乃陰構奸臣弗體朕意僭膺太皇太后之號迹

其閨門之禍離間骨肉罪惡尤重揆之大義削去鴻名  
徙東安州安置

